

GARIS PANDUAN PEMBUANGAN UNDI BAGI INDIVIDU POSITIF COVID-19

	SYARAT YANG DIKUATKUASAKAN
SEBELUM HARI MENGUNDI	<ol style="list-style-type: none">1. Pengundi yang positif COVID-19 perlu melengkapkan borang khas kesihatan yang dihantar melalui pesanan ringkas (SMS) bagi memberi penekanan peranan pengundi dan calon pilihanraya positif COVID-19 semasa mengundi.2. Calon dan jentera parti yang positif COVID-19 TIDAK DIBENARKAN terlibat dalam aktiviti kempen pilihan raya secara fizikal. Namun, mereka boleh menjalankan kempen secara maya semasa dalam tempoh Perintah Pengasingan (HSO) tersebut.
PADA HARI MENGUNDI	<ol style="list-style-type: none">1. Pengundi positif COVID-19 TIDAK DIBENARKAN menaiki pengangkutan awam termasuk <i>e-hailing</i>, untuk ke pusat pengundi.2. Pengundi positif COVID-19 DIWAJIBKAN memakai pelitup muka dan perlu kerap melakukan sanitasi tangan.3. Pengundi positif COVID-19 digalakkan membawa <i>hand sanitizer</i> dan pen sendiri.4. Pengundi positif COVID-19 perlu melaporkan status jangkitan COVID-19 kepada petugas KKM di pintu masuk pusat mengundi.5. Petugas KKM akan membuat semakan status risiko COVID-19 dalam profil MySejahtera.6. Pengundi positif COVID-19 WAJIB memakai pelitup muka sepanjang masa melainkan semasa pengenalan diri yang memerlukan pelitup muka dibuka ketika di tempat mengundi.7. Pengundi positif COVID-19 akan diiringi oleh petugas KKM sehingga pintu masuk bilik mengundi (saluran) dan diberikan keutamaan bagi mengelakkan percampuran dengan pengundi lain.

	SYARAT YANG DIKUATKUASAKAN
	<p>8. Amalan penjarakan fizikal yang selamat sepanjang masa perlu dipastikan terutamanya apabila berhadapan dengan petugas ketika pelitup muka dibuka.</p> <p>9. Pengundi positif COVID-19 dikehendaki menggunakan <i>hand sanitizer</i> sebelum mencelupkan jari ke dalam dakwat pilihan raya.</p> <p>10. Biarkan dakwat pilihanraya di jari kering.</p> <p>11. Letakkan telefon bimbit di tempat yang diarahkan oleh petugas pilihan raya dan bersihkan tangan menggunakan <i>hand sanitizer</i> sebelum membuang undi.</p> <p>12. Pegawai KKM akan membuat pemantauan dari semasa ke semasa.</p>
SETELAH SELESAI MENGUNDI	Pengundi positif COVID-19 hendaklah segera meninggalkan pusat mengundi selepas selesai mengundi dan meneruskan HSO di tempat kediaman masing-masing.

Nota:

1. Sila rujuk Carta Alir Bagi Individu Kes Positif COVID-19.
2. *Hand sanitizer* hendaklah diletakkan di pintu masuk pusat mengundi, di meja dakwat pilihan raya dan di tempat meletakkan telefon bimbit.
3. Pengundi positif COVID-19 digalakkan untuk keluar mengundi 2 jam sebelum tamat tempoh pengundian pusat mengundi masing-masing.

NASIHAT KEPADA SEMUA CALON DAN PENGUNDI TIDAK POSITIF COVID-19

- Amat digalakkan memakai pelitup muka di kawasan perhimpunan ramai dan sesak termasuk tempat mengundi.
- Kerap mencuci tangan dengan pensanitasi tangan (*hand sanitizer*).
- Memastikan penjarakan fizikal dilakukan.
- Amalkan TRIIS (*Test, Report, Isolate, Inform, and Seek*) sekiranya bergejala.

CARTA ALIR BAGI INDIVIDU POSITIF COVID-19

